



PEKELILING AKADEMIK BILANGAN 3 TAHUN 2017

SEMAKAN SEMULA SYARAT MUET UNTUK KEMASUKAN DAN BERGRADUAT BAGI PELAJAR- PELAJAR PROGRAM IJAZAH SARJANA MUDA DI UNIVERSITI TEKNIKAL MALAYSIA MELAKA

Pejabat Pendaftar

10 Mac 2017

Disalinkan kepada:

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.07/100-3/14 (14)

10 Mac 2017

PEKELILING AKADEMIK BIL. 3/2017

SEMAKAN SEMULA SYARAT MUET UNTUK KEMASUKAN DAN BERGRADUAT BAGI PELAJAR-PELAJAR PROGRAM IJAZAH SARJANA MUDA DI UNIVERSITI TEKNIKAL MALAYSIA MELAKA

1.0 TUJUAN

Pekeliling Akademik ini bertujuan untuk memaklumkan kepada staf dan pelajar Universiti Teknikal Malaysia Melaka (UTeM) tentang keputusan semakan semula syarat MUET untuk kemasukan dan bergraduat bagi pelajar-pelajar program Ijazah Sarjana Muda di Universiti Teknikal Malaysia Melaka.

2.0 LATAR BELAKANG

- 2.1 Mesyuarat Senat Bil.4/2011 telah memutuskan bermula kohort kemasukan 2011/2012, semua pelajar Ijazah Sarjana Muda dikehendaki mempunyai sekurang-kurangnya MUET Band 3 untuk bergraduat.
- 2.2 Mesyuarat Senat Khas Bil. 1/2012 telah memutuskan bermula kohort kemasukan 2012/2013, semua pelajar baharu Ijazah Sarjana Muda yang mendapat MUET Band 1 dan 2 diberi tempoh 2 tahun dari tarikh pendaftaran pelajar baharu untuk menduduki dan mendapat minimum MUET Band 3 untuk bergraduat. Jika pelajar tidak mendapat keputusan minimum Band 3 di dalam tempoh 2 tahun ini, pelajar diberi tempoh pengawasan selama 6 bulan dan sekiranya masih gagal, pelajar tidak dibenarkan mendaftar mata pelajaran pada Semester tersebut.

2.3 Bagi pelajar FTK sahaja, Mesyuarat Senat Bil. 6/2014 telah memutuskan pelajar perlu mendapat sekurang-kurangnya MUET Band 2 yang diperlukan sebelum bergraduasi.

2.4 Selanjutnya Senat Bil. 11/2014 telah meluluskan penetapan semula syarat minimum MUET untuk kemasukan dan untuk bergraduasi bagi program di dalam bidang Sains, Teknologi, Kejuruteraan dan Matematik (STEM) bermula kohort pengambilan Sesi Akademik 2015/2016 seperti berikut:-

- a. bahawa Band MUET minimum untuk **kemasukan** adalah Band 2 manakala untuk **bergraduasi** adalah Band 4;
- b. pelajar yang mendapat Band 2 perlu mendapat sekurang-kurangnya Band 3 dalam tempoh 2 tahun daripada tarikh pendaftaran pelajar. Sekiranya gagal, pelajar tidak dibenarkan meneruskan pengajian ke semester berikutnya dan akan ditamatkan pengajian.

4.0 KEPUTUSAN SENAT TERKINI BERHUBUNG SYARAT MUET UNTUK KEMASUKAN DAN BERGRADUAT BAGI PROGRAM IJAZAH SARJANA MUDA DI UNIVERSITI TEKNIKAL MALAYSIA MELAKA

4.1 Mesyuarat Senat Bil. 2/2017 yang bersidang pada 22 Februari 2017 telah bersetuju bahawa syarat MUET untuk kemasukan dan bergraduasi bagi program Ijazah Sarjana Muda di Universiti Teknikal Malaysia Melaka ditetapkan seperti berikut:-

- a. syarat kemasukan semua program Ijazah Sarjana Muda UTeM adalah kekal iaitu minimum MUET Band 2 bagi lepasan STPM, Asasi serta Diploma setaraf. Walau bagaimanapun, pelajar lepasan Diploma yang mendapat MUET Band 1 masih boleh dipertimbangkan tetapi pelajar dimestikan mengikuti program

intervensi yang akan diuruskan di bawah Pusat Bahasa dan Pembangunan Insan (PBPI).

- b. syarat minimum MUET untuk bergraduasi digugurkan bagi semua kohort ambilan (termasuk pelajar berstatus KBTM). Pelajar-pelajar yang dikesan lemah pada penguasaan Bahasa Inggeris akan diwajibkan mengikuti program intervensi sebelum bergraduasi.
- c. Keputusan ini berkuat kuasa serta-merta bermula daripada tarikh Mesyuarat.

5.0 KAEDAH PELAKSANAAN

- 5.1 Selaras dengan keputusan tersebut pelajar-pelajar kohort 2012/2013, 2013/2014 dan 2014/2015 yang disekat pendaftaran mata pelajaran dan kemudiannya hanya dibenarkan mendaftar mata pelajaran Semester II – 2016/2017 sebanyak 12 kredit, **dibenarkan** untuk membuat penambahan mata pelajaran dan masih tertakluk kepada kredit maksimum sebagaimana yang dinyatakan di dalam Peraturan Akademik UTeM.
- 5.2 Manakala pelajar-pelajar kohort 2012/2013 yang telah mendapat Kedudukan Baik Tanpa MUET (KBTM) dan telah memperoleh Band 2, akan diproses semula kepada Kedudukan Baik Anugerah (KBA) dan boleh bergraduasi pada Majlis Konvokesyen ke-13.
- 5.3 Sehubungan dengan perenggan 5.1, pelajar-pelajar terlibat hendaklah melengkapkan Borang Penambahan Pendaftaran Mata Pelajaran dan diserahkan kepada pentadbiran Fakulti masing-masing.
- 5.4 Pentadbiran Fakulti perlu menghantar Borang Penambahan Pendaftaran Mata Pelajaran pelajar-pelajar terlibat ke Bahagian Pengurusan Akademik (BPA) selewat-lewatnya pada **24 Mac 2017 (Jumaat)** untuk didaftarkan ke dalam Sistem Maklumat Pelajar (SMP).

6.0 TARIKH KUAT KUASA

Pekeliling Akademik ini berkuat kuasa mulai **22 Februari 2017**.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN
Pendaftar